

kontuola

KONTUOLA, Idolaz elkarte, ANTZUOLA. Kazetaria: Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 73. zenbakia. 2001eko otsailaren 16a.

Elkarriren bake konferentzia

Hilaren 22an bilera egingo du taldeak egitasmo berria azaltzeko

Joan den domekan Elkarrik Bake Konferentzia deritzana aurkeztu zuen Bilbon. Antzuolan ere lan egiten du Elkarrik eta hori dela eta, egitasmo horren berri eman digute taldeko kideek.

Zergatik Bake Konferentzia hau? Euskal gizartearen diagnostiko politikoa egitea erraza da: denak berdin jarraitzen du; egoera okertu egin da, jendeak ilusioa galduta du, buru makur dago; beraz, koiuntura honetatik irteteko egitasmoak plazaratu behar dira. Ezin gara geldirik egon, ezin dugu etsi.

Ze pausu emango dituzue?

Lehen etapa igandean hasi zen, Bilbon egin zen aurkezpenarekin, eta apirilaren 10 arte iraungo du. Garai honetan aurkezpenak egingo dira herrietan, nazioan eta nazioartean, eta 3.000 kolaboratzaile lortzea du helburutzat.

Bigarrena apiriletik ekainera izango da. 35.000 sinadura eta 35.000 laguntza ekonomiko lortzea nahi da. Aldi berean, Madril,artzelona, Brusela eta Estatu Batuetan Bake Konferentziaren aldeko komiteak ere sortuko dira.

Gizartea bera da protagonista?

Bai, eta hau da bitxieta. Gizarte zibilaren ahalegin bat izango da. Berak gestionatu eta ordainduko du prozesua. Bakea lortzeko eta elkarbizitza politikoa arazoei konponbidea emateko bultzada sozial garrantzitsua izango da.

Eta Antzuolan zer egingo da?

Eguenean egin zen proiektuaren aurkezpenak jarraipena izango du hilaren 22an. Biderako kolaboratzaileak aurkitu nahi dira eta herritarrei begira mahairen bat jarriko da, egitasmo hau aurkezteko eta nahi duenak kolaboratzaile izateko.



Elkarrik Antzuolan antolatutako alderdien arteko mahaingurua.

BAKE KONFERENTZIA

Mugimendu sozial honek eskura dituen baliabide guztiak eskaintzea da proiektu honen helburua, 2001. urtean zehar indar politikoen artean elkarriketa-prozesu bat bultzatzeko.

Gaur egungo "blokeo egoera" gainditzeko alternatibak eta aukerak eskainiko dituen Bake Konferentzia baten inguruan, gizarte eta politika mailako bat-egite dinamika bat bultzatu nahi dugu. Erantzunik gabe gelditzen bagara eta aukerak sortzen ez baditugu, nekez lortuko dugu bakea, eta horretarako garrantzitsua da gizartearen bultzada.

Bi fasetako proiektua izango da: 2001eko lehen seihilekoan prestakuntza faseari ekingo diogu eta bigarren seihilekoan garapen faseari.

Herritarren babes aktiboa izango duen proiektua izan dadila nahi dugu, kolaboratzaile eta atxikimendu era desberdinekin; mobilizazio soziala eta atzerriko izen handiko entitate eta pertsonalitateen laguntza kualifikatua duen kolaboratzaileen sare bat osatu nahi da.

Proiektu hau martxan jarri ahal izateko, Bake Konferentziaren kolaboratzaile bezala zure izena ematea eskatzen dizugu. Eta horretarako, erne egon zaitez, eta parte hartu Antzuolan era informatiboan eta praktikoan han eta hemen antolatuko diren ekintza desberdinetan. Zure beharra ere badaukagu. Denon artean Bake Konferentzia bultzatuko dugu, gauzak aldatzen hasteko.

Antzuolako ELKARRI

Domekan karnabalak!

Konturatu orduko iritsi dira aurten ere karnabalak. Domekan, otsailaren 23an, azken urte hauetan berriz ere indarra hartu duten ospakizunak ikusteko moduan egongo gara antzuolarrok.

Duela zortzi-hamar urte hasi ziren urtetan ahaztuta egon ziren ohiturak berriz ere plazaratzen. Ospakizunak aurreko urteetako antzerakoak izango dira. Mutil talde batek, gehienak dantza taldetik kanpokoak, sorgin dantza egingo du. Hauei laguntzen aritu diren dantza taldekoak ere dantzatuak dute sorgin-dantza. Sorgin-dantzatik aparte, neska-mutil talde handi batek, Iribas dantza egingo du. Arropetan ez dute aldatarik egingo eta iazko arropak aterako dituzte plazan aritzeko.

Talde horrekin batera, hartza, tximua eta domadorea ibiliko dira herriko kaleetan gora eta behera plazan ekitaldia egin baino lehenago. Izan ere, dantzara atera aurretik kalejira bat egingo



Sorgin dantza egingo dute gizonzkoek.

da goizeko 10:00ak inguruan eta gero, 12:30 aldera, gutxi gorabehera, izango da plazako saioa. Saio horretan dantza taldeko neska-mutikoak ere mozorrotuta

aterako dira plazara. Gero dantzan aritu diren guztiak elkarrekin bazkalduko dute eta izango dute arratsaldean, agian, herriarrak alaitzeko astia ere.

DANTZARI 'APRENDIZAK'

Badira urte batzuk sorgin-dantza Oinarin dantza taldetik kanpo dauden pertsonen egiten dutela: "dantza taldean ez zebilen jendeak sorgin-dantza egitearena kanpotik sortu zen. Ideia ona iruditu zitzaigun, eta izango dira agian zortzi urte edo horrela egiten dela. Gerora neskekin egitea ere pentsatu zen. Hau egiten hasi zela izango dira lau urte, gutxi gora behera", diote dantza taldekoek.

Badakizue, orduan, Karnabal domeka ondo pasatzeko gogoz bazaudete, eta ohitura polit bat ikusteko gogoz, agertu herriko plazara eguerdi aldean, eta gozatzeko parada ederra izango duzue.

Dena dela, kalejira egingo dute goizean zehar ekitaldi nagusiaren aurretik.



12:30ean Herriko plazan izango da dantza ekitaldi nagusia.

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatutako eta barnizatuak

Kalegoi 21, ANTZUOLA Tf.: 943 76 64 23

GOROSTI

Taberna

☎ 943 76 62 96
Zurrategi plaza ANTZUOLA

Simon Artolazabal, elizako organujole ohia

«Dantzara kuadrillia urtetzen giñan karnabaletan»

Simonek 93 urte dauzka, herriko gizonik zaharrena da, baina bere memoria eta oroitzapenak oraindik garbi daude bere buruan.

Berrogeita hamar urte egin zituen Oларanen lanean, "oindio goguan daukat, hiru urtean jornalik gabe lanian aritu eta gero, aittak jefiari esan zotsala izango zala neuri be jornala emoteko garaixa. Mutikua nitzan ni lanian hasi nitzanian" eta lana egitetik aparte, urtetan izan da herriko parrokiako organista ere, "1990ean 63 urteko lanagatik eman zizkidaten eskerrak, eta duela bi-hiru urtera arte aritu naiz organoa joteren". Horrenbesteko eskarmentua duela-eta, garai bateko karnabalak zela-koak ziren jakin nahian jo dugu Simongana.

Zenbat urte zenituen, karnabaletan ateratzen zinenean?

Batez be gazte denboran aritzen giñan gu dantzan, baiña zaharraguak giñala be ibilli giñan. Gu kuadrillan urtetzen giñan eta soñujoliak eta txistulariak be urtetzen ziren. Sorgin dantzia egitten giñuan: kuadrillakua biñan jarri eta hola egitten giñuan.

Guk jokuan egitten giñuan, neskei eustia, gonak jasotzia eta... holakua zan dantzia. Hartza eta tximiñua, euren domadoriakin be urtetzen ziran. Hau, batez be, baserritarrek egitten zeben.

Zelakoa zen karnabal eguna?

Batez be gabez urtetzen giñan, egunez lan egitten giñuan eta. Baiña baserritarrak egunez be egitten zeben fiesta. Kaletarrak gabez bakarrik urtetzen giñuan, baiña gero jaixa danon ar-



Simon organujolea eta dantzaria izan zen.

tian egitten giñuan.

Ondarren afarixak be egitten ziran, Pauliñanian. Orduan haura oso ezaguna zan eta hara juaten giñan.

Zuek mozorrotzen zineten?

Trapu zaharren batzuk hartu eta sonbreroren bat jartzen giñuan buruan. Etxeko trapuekin janzten giñan; pixka bat aldatzearren egitten giñuan.

Zeintzuk ibiltzen zineten sorgin dantzan?

Gu edade askotakuak ibiltzen giñan, gu baiño zaharraguak baziran: Arbulu eta lñoxentzio eta baita Joxe, Pepe txiki, Anakleto, Lamariano -honek Irautzakua zeban apellidua baiña bera etzan han bizi Eugenio Zabalo, Patxi Aristi eta aitta... Jende asko ibiltzen giñan gu dantzan.

■ ■ ■
Etxeko trapuekin janzten giñan;
pixka bat aldatzearren egitten giñuan
■ ■ ■

Igor eta Txomin



Margoak orokorrean

ANTZUOLA

609 157 131

BERGARA

609 150 164



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

Santa Ageda bezperan dirua batzen

Ez dute kale egin, ez. Otsailaren 4an, domekan, Santa Ageda bezperan hain zuzen, herriko kintokak, goizean goiz jaiki eta baserri-baserri aritu ziren kantuan. Gero arratsaldez herrian aritu ziren kantuan. Gau partean, egunari amaiera ezin hobea emateko, Idiazabalgo jaietara joan ziren.



Parranda ederra egin zuten aurtengo kintok Santa Ageda bezperan.

Elkartasunerako dirua batu zuten

Kintoez gain, ANELKAR Gobernu Kanpoko Erakundeko kideak eta Antzuolako abesbatza ere aritu ziren Santa Ageda eskean. Helburua, ordea, beste bat izan zen: elkartasuneko diru bilketa egitea. Izan ere, ANELKAR taldeak El Salvadorrerako dirua bildu nahi zuen lurrikarek eragindako kalteetan laguntzeko.

ANELKAReko kideek adierazi digutenez, "diru batzea ondo atera zen. Guz-tira 140.000 pezeta batu genituen".

Diru kopuru hori bi taldeen artean banatu dute. Horrela, abesbatza 40.000 pezetarekin gelditu da "urtean egiten diren ekitaldien gastuetarako" eta beste 100.000 pezeta ANELKAR elkarteak hartu du.

ANELKAR elkarteak El Salvadorrerako dirua bidaltzeko bi kontu korrante ireki zituen (bata Kutxan, eta bestea, Euskadiko Kutxan) eta azken datuen arabera, 551.527 pezeta batu dituz-

te, Santa Ageda eskean jasotakoa barne.

El Salvadorren Mikel Andueza ber-gararra dago eta ANELKARekoek posta elektronikoz jasotzen dute haren berri. Adierazi digutenez, beste lurrikara bat egon denez, kontu korranteak oraindik ere zabalik izango dituzte. Horrez gain, Mikel Andueza El Salvadorretik etorri da eta Antzuolan hitzaldia eskainiko du, hango berri emateko.

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kuxilatua eta barnizaketa •

GAILUR

taberna eta gozotegia



Buztinzuri 13 ANTZUOLA
Tf. 943 78 70 32

LARREA

TABERNA

Kalebarren 17
ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apaintetarako eta industriadako pinturak •
- Paper margotuak •
- Mokitak eta tapizatuak •